

Broj: 03/1-49-2622/17
Sarajevo, 06.12.2017. godine

Saopštenje za javnost povodom teksta objavljenog u Dnevnom avazu od 28.11.2017. godine

U Dnevnom avazu od 28.11.2017. godine objavljen je tekst pod nazivom „INA za samo četiri miliona KM želi stopostotni paket u „ENERGOPETROLU“. U tekstu se navodi da su „Predstavnici hrvatske kompanije INA poslali „Komisiji za vrijednosne papire FBiH zahtjev za odobrenje za preuzimanje preostalih dionica u „Energopetrolu“ (EP) putem javne ponude, kako bi stekli stopostotni paket“. Dalje je navedeno da u zahtjevu poslanom Komisiji stoji „da INA želi kupiti preostalih 33 posto dionica u „Energopetrolu“ – u vlasništvu Vlade FBiH je 22, a malih dioničara 11 posto.....“ u tekstu se još navodi da je predstavnik manjinskog udjela u Energopetrolu, Hermedin Zornić odbio glasati i potpisati ovu odluku, o čemu je 1. novembra zvanično obavijestio Komisiju za vrijednosne papire. U pismenom obrazloženju Zornića od 01.11.2017. godine, koji je u posjedu Dnevnog avaza, navodi se razlog njegovog odbijanja da potpiše prospekt o emisiji vrijednosnih papira putem javne ponude Energopetrol d.d. Sarajevo.

S tim u vezi dajemo sljedeće pojašnjenje:

Komisiji za vrijednosne papire Federacije BiH se, 02.11.2017. godine, obratio emitent ENERGOPETROL d.d. Sarajevo zahtjevom za odobrenje emisije redovnih dionica putem javne ponude. Hrvatska kompanija INA se nije obratila Komisiji bilo kakvim zahtjevom.

Iz dokumentacije dostavljene Komisiji od strane društva Energopetrol d.d. Sarajevo utvrđeno je da je na 23. vanrednoj skupštini društva Energopetrol d.d. Sarajevo od 25.10.2017. godine, većinom od 73,14% zastupljenih glasova, donesena odluka o povećanju osnovnog kapitala i odluka o emisiji novih dionica putem javne ponude. Odlukom o emisiji novih dionica putem javne ponude, skupština se odlučila na dokapitalizaciju društva u iznosu 131.000.000,00 KM, emisijom 10.480.000 redovnih (običnih) dionica, prodajne cijene od 12,50 KM, koja je jednaka nominalnoj vrijednosti dionice društva.

Emisija dionica se vrši putem javne ponude što znači da u emisiji imaju pravo učešća sva fizička i pravna lica, domaća i strana, s tim da pravo prvenstva upisa i uplate, temeljem prava preče kupnje, imaju postojeći dioničari društva. Shodno navedenom, Federacija BiH kao vlasnik 22.1214% dionica društva ima pravo preče kupnje u predmetnoj emisiji.

Emitent Energopetrol d.d. Sarajevo će, u skladu sa članom 36. stav 3. Zakona o tržištu vrijednosnih papira, objaviti javni poziv za upis i uplatu dionica u najmanje jednom dnevnom listu koji izlazi na području Federacije BiH a prospekt emisije je dostupan do banke depozitara emisije - Raiffeisen BANK dioničarsko društvo Bosna i Hercegovina, kod koje će se vršiti upis i uplata emisije.

S poštovanjem,



Predsjednik
Komisije za vrijednosne papire
Federacije Bosne i Hercegovine
mr Hasan Čelam

Čemaluša 9/II, 71000 Sarajevo, Bosna i Hercegovina
Tel.: ++ 387 33 267 672, 203-844, 203 902; Tel/Fax: ++ 387 33 211 655
E-mail: info@komvp.gov.ba
www.komvp.gov.ba